

Nuorttanaste

Hærral Orromvisten læk don læmas
migjidi sogast sokki.“ (Salma 90, 1).

„Oceet baica Ibmel rika, de buok dak
digjidi addujuvujuk!“ (Luk. 12, 31.)

Nr. 10.

17. jakkegærdde.

»Nuorttanaste« maksa ovta kruvna jakko
dagast, bladde dinggujovu juokke poasta-
rappe bokte.

Korsfjord'ast:
30ad Mai 1915.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Albme — helvet.

Guokte saje gavnujuk, man birra bibal muittala migjidi, ja dam guovte sajest i velta oktage olmuš, vaiko vela ædnag „visak ja jiermalažak“ læk viggam erit-čilggit sikke alme ja helvet, go oamedovddo læ viggam morranet ja agalašvuodajurddagak læk jaskis boddoi siste bagjanam.

Dat vuostas sagje læ okta hærvas sagje, dainago dobbe (almest) i gavdnu baha ige mikkege givsid. Dobbe assa Jusus, hærra vuoda oudastčuozžo, ja dobbe læk buokak si, gæk osko siste su ala ja su ollašuvvum bæstedago bokte læk arbmoaigest oamastam su ja læk diktam ječasek garvotuvvut Jesus vanhurskesvuodain. ansaš-køetta armost. Dobbe si galggek lavllot avvolavllagid, dobbe si galggek læt sæmma hærvasak ja čabha go Jesus ješ læ. ja si galggek čakkat bævdest særvvalagai Jesusin ja navdašet agalažat almerika valljodagaid.

Dat nubbe sagje læ helvet, mi læ okta bahas sagje. Dokko bottek buokak si, gæk arbmoaigest æi læk fuollam oskot Jesus ala, æi læk dattom oamastet su bestujume. Dobbe læ aivefal giksašubme čierrom ja luoibmam oroskætta, garrodæbme ja baččavuotta. Bærgalak læ sin høerra — sagga garra hærra, gi i sæste sin givsin. Issoras sagje!

Rakis usteb! Goabba saje læk don valljim? Jurdaš mi læ dudnji buoremus! Læggo don

nuft geppismielalaš atte don burin datoin ja jurdaškætta datek boattet helveti, dal go dudnji læ vuoiggadvuotta ja bovddijubme boattet albmai alma vaivetaga ja alma mavsotaga? Vallje dalanaga ouddalgo du mañemuš ællem dibmo časka! Don ferttik valljid jogo alme daihe helvet; mutto du ječad agalaš buore diti vallji alme, de don ik šadda gattat goassege. Vela læ odne armobæivve, mutto itten daidda læt mañned, mi galgga du loappan šaddat? Albme daihe helvet, albme daihe helvet!

Ovla Hendarak.

Sisasaddijuvvum.

Daro amerika bladde Duluth Posten mielde: Oktober rajest læ juo olbmuk vuorddam orostæme dam hirmadlaš olmušjuovvamest Europast. Mutto i goddet, goddet ain sturab æljoin ja sturab famoin go goassege ouddal. Dal orro oaidnet dego dai kristalažai buokvægalaš livči battaram almest. — Albme læ guoros, dobbe i læk oktage — son læ gallanam daina avketes rokkusin ja luoivomin. Son læ sirddam bagjili, i son dovda šat min oappavaš præ-sident Wilson, ige ane avvir sust. Jubma kanonain, kruvtasuovva hurračuorvvasak ja hættečuorvvasak dabe vuollen arvahuttam su Maid vækket dat rokkadallat rafhe, nuft gukka go mist læ goddim vuoigŋa — nuft gukka go mi rokkadallat soatte famo suogjalæme gaddest ja mæra alde. Gonagasak, kæisarak, oaivamužak læ

davalaš olbmu nubbastuttam vil-daspinin. Bakenak boagostek min jallodaga nuftgočcom bajas-čuvgetusa. Gæča soattebaikidi! — Maggar rama čuorvas! Čudi milai vællajek olbmuk ja spirik durddon sin varainæsek. Jogak ja dærok læ ruoksad varast. Duhat sidain læ cuovkasbaččum ja duššadum. Aček ja bardnek læ erit agalažat — olles sogak læ battarusast. Čierrom ja garrudus dævdda aimo, buok jierbme læ dulbmun vuolas. Vašše, vašalašvuotta, jallodak læ šaddo min kristalašvuodast. Fabmoadni læ fabrikkak, minak ja maskinak; mutto vuoidaslakkek læ bigjom barggi ala Mi rakadap fina viesoi ja orromsaji sigjidi, aldesæmek godi ja luoggoi, mi rakadep sigjidi goanstalaš goddemværjoi, ja scemmas mannat ja goddet vielljamek. Igoassege ouddal læk bargge čužžom varalabvuodo alde go dal. Læggo jurdašam dam ala? Jos ik, læ dal aige dam dakkat. Dabege læ 10 million arvo bargolaš olbmuk Amerikast. Dak gollok ja nelggok dam čoaska dalve. Buokak dak læ olbmuk, mutto sist biettaluvvu tinemes laibbe.

Æmed vuordda su isedes Manak čurvok borramuša; mutto ačče i boade. Vuoi moft buok dak duhatak ædnek ferttijek hirmastuvvat go si oidnet bardnidæsek nubbastuvvamen olmuš goddin. man ollo ednimiella igo adnam stuurra doaivvagi su bardnines. O, man ilolaš son læi go dak njuikodegje su salast mogiajegje ja boagostegje su čalmidi, son jurdaši juoida stuurra su jaskis mielastes. — Dust šadda juoga.

Don šaddat nu oudasvastedægje ja mu suogje. — Mutto dal læ son soatte baikest daina čoaska viekkanroggin — son goallo, son nælggo son jurdaša ædne maid son dajai ik don galgga goddet, mutto rakis du lagamužat nuftgo ješječad. Mutto i, son fertti goddet, goddet maņemuš boddoi, goddet su vieljas, vaiko son i læk dakkam sudnji maidege bahai. Vuoi don surgadlaš mailbme, don guoktelas bajasčuovggitus, don vuoi metes kristalášvuotta, imašlašak don dadde gævat tak ječad. Mattago bajasčuvggetus oudeduvvut dam bokte atte njuovvat min nuoraid ja molso sin garanasaiddi biebmom, kanonborramuššan? Manne goddet Europa bargget guimedæsek. Barggek gæk mannet soattai gonagasaiddi ja kaisarida vuoiiton læ suopatasak, go si vajaldattek dam soade bok e. Buok mi din læi ouddal go go algidek olmušgoddim læi, luoggo, liggo, nælggemanak, garrabargo ja olmušmættom gævatus. Mi dalle læ go boattebet ruoktot, si guđek læ nu likkolaža atte ruoktot bottek vel hæggas? Gæča birad! Mi læ dust? Juo dust læ gieđak rasta, čalmik erit, skierbmomen muorrajulgin ja biđgejum baike. Dam buok don oažžok gndnebalkan ja agalašvuoda čigņan.

S. A.

Koartaspællam.

Min aigge læ divras aigge ja juokke lakai vaddes birggit; mutto dade bahabut oidnujek koartai spællamen. Nuorra olbmuk, go læ vahaš tinem, de bigjik vel dam maņemuš evrege koarta-bævdđai. Ja go læ šaddam rudaitaga, de mannek handalolbma lusa valddet vælge bapar ala j. n. v.

Igo daggar dakko læt boasto mænnođæbme. Sattet sin gaskast læt maidai olbmak, gæina læ akka ja manak sidast, gæk čirrok ja anutek laibe; mutto maid ised daiddi adda go læ buok rudaid stajedam koartaidi.

Hæittet erit buok koarta-spællam, ja savvamest lifči, atte æi ožoši koartai gostge, atte koarta birro i lifči nuft olles vuoi mest go dal læ, ja maidai savvamest lifči, atte gavppeolbmak æi hagas i koartai vuovddim varas olbmuidi.

Soames daidda jærrat, mak spēlai ænemusak spellujuvujuk? Dasa vusteduvvu, atte mak ærago daggar spēlak, mak jottelemusek dolvvot rudai.

Nuftgo oidnujuvvu, de læ koarta biro nuft olles vuoi mest atte janduri olgus bargata balvvælægijides spēlaiguim. Savvamest lifči atte dak garroduvvum girjek æi obba gavdnušige rikast ja atte æi ožoši gostge oastet.

Savam, atte buokak valddek dam aše guoratallama vuollai, ja algašegje barggat gilddujuvut daid erit.

Okta cuigodægje Porsangost.

Brævak.

Alaskast 8ad mars 1915.

Redaktør Ole Andersen!

Sisasaddim ovta dollara makson du blade oudast. Likkosavaldak dudnji ja jovkkosad din čabba odda ruovtost! Vare nagadifčidek ain addet olgus oddasist dam blade!

Samek ellet dærvvam buokak dabe Alaskast ja Poulsboast.

Dærvuodaiguim must

Isak J. Hætta,

Candle, Alaska.

Guovddagæinost.

Hr. redaktør!

Bivdam saje dam moadde sadnai dam min rakis gudnejattujuvum bladdai ja muittalam, atte dal mi læp vasetam dalve ja gidda læ fast boattam. Dalvve læi goavve. Vanis rievssak ja vanis maidai njalla. Dalvve i lifči æra laje gal goavve, mutto borgak. Gumpek maidai æi læm vadnas dam jage. Mon maidai legjim caggam gumperuvdid, ja gumppe bodi ja darvvani daiddi; mutto æi læk ruovdek gierddam gumpe, dat cuovkkanegje.

Gidda læ ain čoaskis dabe min guovlost.

Loapatussi saddim mon dudnji, rakis redaktør, ollo gitosid dam čabba juovllanummar oudast maid don læk migjidi saddim! — Sæmmast gittam maidai min ra-

kis lokkus-doalle Nils Thure, go læ viššalvuodain doallam migjidi lokkama, ja galgaši ællet gukka, vai ain sarneda migjidi Ibmel sane, ganske mi algget juoida jurdašet. — Mi nuorak maidai alggop jurdašet ječamek birra, moft minguim manna don ilmest. Mi galggap rakisvuoda aldsemek gæsset ja buok baha erit hæittet.

Min ucca bladaš galgaši ain stuorrot! Savam buorre ællema buok fulkidi!

Per Eira, Maci.



Okta gudnalaš arvost adnujuvum boares olmai jami dam 13. mai, namalassi poastavuogje, stævna-vittan, nuftgo maidai suokanstivrain mielde-latto ja mieldeuobmar

Johan Persen Penta Avčest,

76 jage boares.

Son læi buocas juo daid maņeb-aigid; mutto almaken sust læi buorrejierbme gidda maņemuš dimoi, ja son oskoi ječas audogassan, ja dam ala son lavige barggat ja rokkadalai, atte maidai su maņeli baccet galgašegje gavdnat bestujuome, mi lifči buok havskemus. Ibmel ačče jedđijekus su læska, Berit Matis Hætta, ja su manaid Berit Anna, Karen, Elen, Mate, Brita Amerikast, Inga, Marit ja Susanna!

Kautokæino, 24—5 1915.

K.

Lagesvuonast.

Ollo læ juo čallam olbmuk darogiel bladdai dam boatte valga aige birra. Ferttim monge vahaš čalestet, dastgo monge læm bargge olmuš.

Gæččalekop dal bargge guoimek valljit barggebæle olbma stuoradiggai. Allop šat vallje storkara, nuftgo dagjujuvvu frisindede venstre ja maidai høire. Dal oaidnep, maid daggar olbmuk barggek, gæk æi læk barggo olbmu bæle. De læ nuft gukkedam ek-seserim ja nuft ain ollo, maid mon im gilla namatet.

Mi Østfinmarko vieljak ja oab-bak, allop æmbo gæča sagfører Lund ala, daihe allop æmbo læt su bæle! Dal mi galggap rabastet min čalmidæmek ja gæččat gukkebuidi ouddali maggar aigi siste mi læp. Dastgo hæ-

rak læ juo min borramen bajas. Nuft bigjek duollo buok dingai ala, vai barggo olmuš maksa, ja vai si ellek. Muittop mi Lagesvuona samek stemma aige, ja nuft de vieljak ja oabbak viekalekop mi valgga vissoi!

Mathisen.

Jottolagast.

Dam blade redaktora læ gieskad læmaš jodost manditi dat nummar saddai agjanet vebaš.

Nubbe helludak bæive vulgimek mi baikest Fielmvuonast sardnejotte Wangberga, redaktora oktán su æmedines lokala mielde Hammerfesti, gost jettesruvta galgai min doalvvot Mehammani ja dast lokala mielde fast Tanai, gosa mi leimek jottemen sardnejotte Furevika hægjaidi, mak galgge dollujuvvut Dænost 30ad mai nutto mi šaddaimék oažžot »gukkisnjune« go Mehammani ollimek. Lokala læi njuolga mannam Vargaidi. Dal legje buorek raðek divrras. Telefona čada mati min usteb Furevika jeddit min atte son aiggo hægjai mañdet vuostargi jos fal mi boattet. masa mi leimek duttavažak.

Bergendampa »Ara« kaptæina læ nuft šiega atte doalvoi min Kvitenessi mædda manadedin Bærralvakai nuft atte mi bæsaimek min oappes ja rakis ustebid ja fulkid lusa, gæiguim alo læ mu stuoramus illõ dæivadet.

Jottelet vasse dak moadde havskas bæive, ja divrasak legje boddok Ibmel sane birra — ja erinoamaš buorre čoaggalmas læi mist sodnabæive. Ibmel Vuoiŋŋa dugjoi famolažat. Maidnujuvvum lekus Ibmell.

Sæmina sodnabæive mañnel gaskabæive jottaimek mi fast Dednoi dampa mielde. Suotas læi fast oaidnet dai alla oappes ædnami. Imaslažat læ Ibmel fievredam mu dam ražest go mon 14—15 jage dastouddal vuostas gærde guddim Dænovuona. Hærra balvvałægjin Samuelin sattam cækket: »Dassači læ Hærra mu vœketam.« (2 Sam. 7, 12).

Farga læimek mi Raddovuonast ja suotas læi fast dæivvagoattet Dæno oappasi. Farga legje hæstak min vuojetam bagjel Dednoi, ja go dak orostegje, de læi min likkolaš viellja Furevika min dæivvamen liegga buristboattemin.

Odne (30ad mai) læ hægjaækked. Itten galggaba dak guokte nuorra usteba Ibmel ja olmui oudast nanomattet dam Ibmlest asatuvvum litto. Hægjabæivve boði. — Šægje bæivadak ja muotte. »Muotte, — hui buorre mærka, atte muotta moarssekransi« dagja dača sadnelasko. — Guossekk bottet okta nubbe mañest. Aigge læ dievvam. Viššales hæstak girdetek min girkko lusa. Buok manna nuft jottelet. Sæmmastgo hæstak orostegje, skallagoði girkkobiello ja mi sisa manaimék. Salmaværsa čuojai ja bappa Hoidahl loaidasti ouddan dam basse fidno doaimatet. Oanekaš aige gæčest læp mi fast čokkamen hægjabævde birra — olmuš ja nissonak — ješgutteg fidnostæsek.

Go gaskabæivve læ borrojuvvum de lokkujuvvujek telegrammak, buorek savaldak min ædnama mietta, — min usteb ja viellja ja su akka læba arvostadnujuvvum olmuš. Lagabuidi 40 telegramma lokkujuvvujegje. Dasto mañnel čuožželi sardnejotte Wangberga ja doalai oanekaš bævd-desardne dača viero mielde, ja go son gærgai, de doalai redaktora sardne naitusbarri ja gussidi, ja sarnoi vebaš „dam buoreb vine birra, maid, Jesus læi vurkkim mañemusši“ (Joh. 2.10.)

Dasto mañnel muittali son ovta boares dača sadnevagjas, gutte alo celki, atte »ægteskapi« (naitusdillai) i læin dego mannat æra skapi, ouddamærka diti, gievkanskap, stopposkapi j. n. v. Gutte ægteskapi manai, fertti maidai dam diettet. atte son galgga bissot dobbe. Olgus i bæsa šat, ja jos æra skapai darbaša adnet buttesen, de sagga æmbo »ægteskap« (naitusdile) Dat i gierdda duolvvat.

Guossekk orro hui burist dam likomen ja miettamen dasr, atte »ægteskap« læ æmbo go davalas skapa.

Farga nogai dat vuostas hægjabæive lavllomin ja čuojatemin.

Nubbe bæivvai bovdi dat nuorra barra buokaid gæk datto boattet, Bonjakas čoaggalmasvistai. Dat læi »hægja-festa« mi galgai dollujuvvut dobbe. Ja arvad læi olmuš čoagganam Dimo 6 čuogjagotte gitarak ja lavlomjiedna algi. Dat læige juo hægebæive — jos vela nubbege. — Dačak samek, riggak, nuft gæfhebuk, čokkajegje stuora darkelvuodain ja guiddalegje oskolažai hægja avo. Farga

loaidasti sardnejotte Wangberga sardnestuoloi ja bajaslogai Almostusgirje 19 kap. 9 vuostas vœrsa ja sarnoi, maid ouddalaš skuvlaolmai Samuelen Raddovuonast dulkkoi stuora čæppevuodain. Havske læi gullat daggar buorre dulka su erinoamaš buorre olgusaddim addaldagaiguim Samuelen læi maidai boattam dai illo hægjaidi. Dai ædnag oappasi gaskast oidnui maidai girkkodulka Johusen ja dæromiššonsardnejotte Ole Olsen (Bagjegiedde Ovla).

Go Wangberga gærgai, de sarnoi redaktora sæmma kapittal bagjel ja sarnoi erinoamačet »Labba hæjak læk boattam ja su moarsse læ ječas rakadam.« Son sarnoi dæro ja same oktanaŋa Dasto mañnel sarnoi gussi bovddijægje ješ Daniel 12 kapittal 2 3 — bagjel ja bijai dæddo bajasčuožželæme ala.

Loapatussi sarnoi redaktora 5 Mosesgirje 33 kapittal 3 vœrsa bagjel guovte gilli, ja dat havskes hægja-festa loapatuvvui oktasaš rokkosin čibbi alde. Guossekk ožžo biebmo sikke rubmaši ja silloi. Dak hægjafesta læi okta daina havskes boddoin, mi i vajaldattujuvvu nuft farga. Loapatussi gudnejatti dat stuora guossejoavkko naitusbara daggo bokte, atte dat čuožželi bajas. — Ja de boði ærroboddo. Vare mi buokak dæivadifœimek Labba hægjin almest!

Redaktora ja su æmed aigge læi garžže ja soai ferttiga fast guoddet Dæno. Aido astaiga fidnat vanhemdalo gussestæmen.

Gitos monnost buokaidi dæivvæmest.

Vieljalažat
Din Ovla Andaras.

Mailme-soatte.

Tuiskalažak

halidek bæssat Londoni aimoskipaiguim billedam varas dam čabba gavpuga.

Tuiskalaš læ hui viššal bačalet raffhalaš ædnam dampaid. Dal galgga læt makka baččam Mexikolinja dampa »Amerika.«

Maidai Bergendampa »Venus« masa vuogjoduvvu tuiskalaš čæcevuoldampast. Dat bači 3 skuota »Venus«

njæiga. Go baparak legje čajetuvvum de bæsai »Venus« mannat vidasebbot.

Tuisklandast læ ain nuft ollo jaffo, atte hadde galgga vuoleduvvut.

Tuisklaš i mieda Amerika præ-sident Wilson gaibbadussi, atte hæit-tet čaccevuolaš soađe.

Turkalažak

læ tapim maņemus šlagast 40,000 olbma.

Dai æra soattefamoiguim manna nuftgo davalažat.

17ad soatte gulatus

læ dal Italia soattegulatus, mi dal læ duottavuotta, dam rajest go soatte al-gi.

28. juli gulati Østerrika Serbiai soađe.

1as august gulati Tysklanda Ruoša-ædnami soađe

3ad august gulati Tysklanda Frankri-ki ja sæmmast Belgiaj soađe.

4ad august gulati England Tysklandi soađe

6ad august gulati Østerrika Ruošaæd-nami soađe.

7id august gulati Montenegro Østerri-ki soađe

13ad august gulati Englanda Østerri-ki ja Frankrika Østerriki

23 august gulati Japan Tysklandi soađe

28ad oktober gulati Østerrika Belgiaj ja 4. november botte soattegulatusak ovta manost Englandast. Ruošaædnam-est, Frankrikast, Belgiaj ja Serbiast Tyrkia vuostai.

Gal dam aige sisa læ nubbad olbmu gaččam.

Miccamar-čoaagem aige

arvvalæba sarnejotte guovtes Wang-berg ja Furevik boattet Kistrandi daina stuora miššonlavoin, man gova mi oudeb nummarest čajeteimek, ja doallat sarnid.

Mærkašeket dam, Porsangolažak!

Salled bivddo

læ aina smavvaset Altavuonast, ja muttomak læk stenggim. Muttom sa- jen læ obba stuora salled, mutto ænaš oasse læ smaveb sorta.

Sameædnam bivddo læ dal mæsta nokkan. Dat læmaš fuodne dam jage.

Guanofabrikka Mehavni.

Gavpeolmai B. T. Aas læ daid beivid bajasceggenem guolle guanofabrika Mehavni. Dat šadda makest arvo mielde 35,000 kruvna.

Ođda stataloadna

Budget komite arvvala ovtarađažat at- te dal valddujuvvu ođđases sistædnam stataloadna 60 miljon kruvna.

Ruošša

læ dal alggam ollet Sameædnami. Dam hirbinos alla guoltehadde diti æi daide boattet nuft ollo ruošak dam ja- ge

Dak varalaš minak

ain rivddek Norga gaddi mietta.

Hedemarken addaldak

Sameædnami dakka oktibuok 9,22 sæ- ka potetosak. Gal dat læ čabba skænk- ka dam vanes aige.

Lebesby boares skuvlaolmai

lukkar Johansen læ gieskad jabmam. Son læi ekta oskaldas balvvalægje su fidnostes.

Suoidnehadde

læ bagjanam hirbmadet. Troandemest maksa dal 18 evre kilo ja Tromsa birrasin 20 evre ja bagjel, ja vela læ vaddes oažžot damge haddai.

7id juni

læi 10 jage dam rajest go unionop- løsning læi. Davalaš plævgim læi mietta Norga. Dat bæivve muitota migjidi Norga buttes plævga.

Skoledirektor Thomassen

læ gieskad fidnam Kristianiast arvva- laddamen oažžot skuvlainternata Hop- distrikti Gamvika gilddi. Dat galgaši sæmmast adnujuvvut girkon.

Sakfører Klouman

læ valde Solem permission vuolde ma- matuvvum sagjasažžan Tanai.

Mehammana gæidno

jurdašuvvu gærggat čakæi. Dat šadda maksit 26,000 kr.

Billet-naggo.

Departementa datto fast returillettai; mutto veikomite doalata zonesystem. Savvamest lifæi atte departementa arv- valus čaðamanaši.

Guovddagæino skuvlaruta.

Čakčaskuvla algga vuostarga 20. september 1915.

Bagjesamiskuvla daihe dalvve- skuvla algga vuostarga 3ad januar 1916

Vanhemak berrijek ječa diettet ja muitost adnet manai aige. Dat i læk mikkege vuttivaldetatte ašid atte si æi dieđe lægo manak skuvlagædne- gasak. Juokke manna læ skuvlagæd- negas go læ dævddam 8 jage. Ja dat læ vanhemid gædnegasvuotta diettet goas manna læ skuvlagædnegas.

Skuvlaolbma Aarseth forslaga mielde læ skuvlastivra valddam čuovvovaš ovtarađalaš mærradusa:

Boatte aigest aiggo skuvlastivra sakkotet 1 kruvnain juokke bæivvai juokke manast mi skuvla maņeda. Dat maksa hælbbadumid gidda 10 bæivvai.

Guovddagæino skuvlastivrast, ²⁵/₅—15.

Jacobsen,
formand.

Diedatusak!

Sadde 3 kruvna

de don oažok ovta Samegiel bibal saddejuvvum portofria poastast.

Nuorttanaste Expedition, Korsfjord.

Dinggu Nuorttanaste

min kommiššonærain:

John Josefsen, Lerpøl Porsangen

Per Isaksen, Neiden.

Nils Svendsen, Veines.

Einar Persen, Storfjord.

Sardnejotte Korsvik.

Sardnejotte Nils Garggo

Vuoleduvvum haddai.

A. Larsen samegiel muittalus gir- je „Bæivve-Alggo“ vuovdujuvvu dal 80 ørai, porto 5 øra. Min kommiššio- nærak, bigjek dam muittui.

Girje satta dingujavvut mu bokte

A. Larsen,

Repparfjord, Finmarken.

Muite ainas Nuorttanaste dinggut ja maksit dal dam 2be jakkebælest!

»Nuorttanaste« čalle, prenttejægje ja olgus- adde læ Ole Andersen, Korsfjorden.